



SIRDARYO VILOYATI SHIRIN SHAHAR HOKIMI Q A R O R I

2022 - yil 13 - dekabr

281-9-131-Q/22

Shirin shahar hokimligi

Shirin shahar hududidagi yuridik va jismoniy shaxslarga tegishli avtomototransport vositalari va ularning tirkamalarini 2023-yil uchun majburiy texnik ko‘rikdan o‘tkazish haqida

“Mahalliy davlat hokimiyati to‘g‘risida”gi O‘zbekiston Respublikasi Qonunining 6 va 25-moddalari, “Yo‘l harakati xavfsizligi to‘g‘risida”gi Qonunining 17-moddasi, O‘zbekiston Respublikasi Vazirlar Mahkamasining 2021-yil 9-martdagi 125-sonli qarori bilan tasdiqlangan “Transport vositalarini majburiy texnik ko‘rikdan o‘tkazish tartibi to‘g‘risida”gi Nizomga (keyingi o‘rinlarda – Nizom) muvofiq transport vositalarining 2023-yilda majburiy texnik ko‘rigini tashkil qilish maqsadida,

QAROR QILAMAN:

1. Shahar hududidagi mulkchilik shaklidan qat’iy nazar yuridik va jismoniy shaxslarga tegishli bo‘lgan transport vositalari majburiy texnik ko‘rikdan o‘tkazilsin.

2. Shaharda transport vositalarini majburiy texnik ko‘rikdan o‘tkazish bo‘yicha shahar komissiyasi tarkibi 1-ilovaga, jismoniy va yuridik shaxslarga tegishli bo‘lgan transport vositalarining 2023-yilgi majburiy texnik ko‘rikdan o‘tkazish jadvali 2-ilovaga muvofiq tasdiqlansin.

3. Transport vositalari quyidagi davriylikka muvofiq texnik ko‘rikdan o‘tkazilsin:

tijorat asosida yo‘lovchilar tashish faoliyati bilan shug‘ullanuvchi yengil avtomobillar, avtobuslar, trolleybuslar, tramvaylar va o‘rindiqlar soni 8 ta va undan ortiq bo‘lgan (haydovchining o‘rnidan tashqari), odamlarni muntazam tashish uchun jihozlangan yuk avtomobillari, yirik gabaritli, og‘ir vaznli va xavfli yuklarni tashish uchun maxsus transport vositalari va ularning tirkamalari — bir yilda ikki marta;

ishlab chiqarilganiga olti yildan ko‘p bo‘lmagan transport vositalari (mazkur bandning ikkinchi xatboshisida ko‘rsatilgan transport vositalaridan tashqari) — ikki yilda bir marta;

ishlab chiqarilganiga olti yildan ortiq bo‘lgan, shuningdek, ishlab chiqarilgan vaqti aniq bo‘lmagan transport vositalari (mazkur bandning ikkinchi xatboshisida ko‘rsatilgan transport vositalaridan tashqari) — bir yilda bir marta;

tirkamalar texnik ko‘rikka transport vositasi — shatakchi uchun belgilangan muddatlarda;

navbatdagi texnik ko‘rikdan o‘tkazishning ilgari o‘rnatilgan muddatlaridan qat’iy nazar, ularni Davlat yo‘l harakati xavfsizligi xizmati (keyingi o‘rinlarda - DYHXX) organlarida ro‘yxatdan o‘tkazish (qayta ro‘yxatdan o‘tkazish) vaqtida (birinchi marta ro‘yxatga olinayotgan yangi transport vositalari bundan mustasno).

4. Mazkur qarorning 3-bandi ikkinchi xatboshisida ko‘rsatilgan transport vositalarining texnik ko‘rigi:

birinchi marta – 1 mart – 30 iyunda;

ikkinchi marta – 1 sentabr – 31 oktabrda o‘tkaziladi.

Jismoniy va yuridik shaxslarga tegishli boshqa transport vositalarining texnik ko‘rigi 1 yanvardan – 31 dekabrda o‘tkaziladi.

5. Transport vositalarini majburiy texnik ko‘rikdan o‘tkazish shahar komissiyasi rahbariga transport vositalarining texnik ko‘rikdan o‘tkazishda:

transport vositasini ro‘yxatdan o‘tkazish to‘g‘risidagi guvohnomada (texnik pasportda, texnik talonda) ko‘rsatilgan ma‘lumotlarga transport vositasi turi, markasi, modeli, davlat ro‘yxatidan o‘tkazish raqami belgilari, shassi (rama), kuzov va dvigatelning identifikatsiyalash raqamlarining muvofiqligi;

transport vositasining texnik holati va jihozlari texnik reglamentlar, standartlar talablariga, yo‘l harakati xavfsizligi qoidalari va normalariga

muvofigligi;

maxsus va tezkor xizmatlarning transport vositalarida maxsus rangli va ovozli signallar qurilmalarining mavjudligi, sozligi va qonuniyligi, shuningdek, transport vositasining rang-grafik bo'yash sxemalarining texnik reglamentlar yoki standartlar talablariga muvofigligi;

gaz yonilg'isida ishlash uchun qayta jihozlangan transport vositalarini texnik ko'rikdan o'tkazishda gaz ballonlarining foydalanish muddati, ishlab chiqarilgan yili, zavod raqami, gaz ballonlarini sinovdan o'tkazish muddatlari, gaz balloni anjomlarining belgilangan talablarga muvofigligini tekshirilishini ta'minlasin.

6. Transport vositalarining majburiy texnik ko'rigi DYHXX organlari hamda tadbirkorlik subyektlari – yuridik shaxslar tomonidan Nizomga muvofiq o'tkaziladi hamda tegishli yig'im undiriladi.

Transport vositalarining texnik holati va uskunalarining muvofigligini baholash uchun DYHXX organlari tomonidan vazirliklar, idoralar va boshqa tashkilotlarning texnika bazalari, shuningdek, xususiy texnik xizmat ko'rsatish stansiyalari shartnoma asosida jalb etilishi mumkin.

Jismoniy shaxslarga tegishli bo'lgan M1 toifadagi transport vositalari faqat tadbirkorlik subyektlari tomonidan texnik ko'rikdan o'tkaziladi.

7. Shahardagi barcha transport vositalari egalari bo'lgan yuridik va jismoniy shaxslarga texnik ko'rikdan o'tkazish jadvali asosida transport vositalarini texnik jihatdan sozligini o'z vaqtida texnik ko'rikdan o'tkazish majburiyati yuklatilsin.

8. Vazirlar Mahkamasining 2021-yil 9-martdagi "Transport vositalarini majburiy texnik ko'rikdan o'tkazish tartibi to'g'risida nizomni tasdiqlash to'g'risida"gi 125-sonli qarori 3-bandiga ko'ra, O'zbekiston Respublikasi Milliy gvardiyasi, Mudofaa vazirligi, Ichki ishlar vazirligi va Davlat xavfsizlik xizmati harbiy bo'linmalarining transport vositalari mazkur idoralar tomonidan belgilangan tartibda majburiy texnik ko'rikdan o'tkazilishi inobatga olinsin.

9. Shahar hokimining 2021-yil 30-dekabrda "Shirin shahar hududidagi yuridik va jismoniy shaxslarga tegishli avtomototransport vositalari va ularning tirkamalarini 2022-yil uchun majburiy texnik ko'rikdan o'tkazish haqida"gi 112-9-131-Q/21-sonli qarori o'z kuchini yo'qotgan deb hisoblansin.

10. Qaror matni hokimlikning rasmiy veb-saytiga joylashtirilsin hamda "Shirin sadosi" gazetasi bosh muharriri (O.Ashurqulov) ushbu qaror matnini

“Shirin sadosi” gazetasida chop etilishini ta’minlasin.

11. Ushbu qaror rasman e’lon qilingan kundan e’tiboran kuchga kiradi.

12. Mazkur qaror ijrosini nazorat qilish shahar hokimi o‘rinbosari Z.Abduvoxidov zimmasiga yuklatilsin.

Shahar hokimi



S.Sultonov

Shirin shahar hokimining
2022 yil 13 dekabrda
281-9-131-Q/22-son qaroriga
1-ilova

**Shirin shahar hududida transport vositalarini texnik ko'rikdan o'tkazish
bo'yicha komissiya TARKIBI**

1-GURUH			
1	G'. Xolmatov		Shirin shahar IIB YHXG katta inspektori, katta serjanti komissiya raisi
2	A. Bayzakov		“Sirdaryo IES” AJ Yo'l harakati xavfsizligi va xavfsizlik texnikasi muhandisi, komissiya a'zosi
3	R.Qosimov		Shirin energetika kolleji direktor o'rinbosari, komissiya a'zosi

Izoh: Shaharda avtotransport vositalari mavjud bo'lgan korxonalar va tashkilotlar mas'ul xodimlari komissiya a'zolari hisoblanadi.

Komissiya a'zolari vazifasidan ozod qilingan taqdirda o'rniga tanlangan shaxs komissiya a'zosi hisoblanadi.

Shirin shahar hokimining
2022 yil 13 dekabrda
281-9-131-Q/22-son qaroriga
2-ilova

Shirin shahar hududidagi yuridik shaxslarga qarashli avtomototransport vositalarini, tirkama va yarim tirkamalarni 2023-yilgi majburiy texnik ko'rikdan o'tkazish

JADVALI

№	Avtoxo'jalik va korxonalar nomi	Transportlar soni	Texnik ko'rikdan o'tkazish kuni 1-bosqich	Avtokorxonalar tashkilotlar manzili	Texnik ko'rikdan o'tkazish manzili
1	"Sirdaryo IES" AJ	43	05.05.2023	Shirin shahar Xalqlar do'stligi ko'chasi	Shirin shahar "Sirdaryo IES" AJ avtogaraji
2	"Farhod GES" UK	7	05.05.2023	Shirin shahar "Farhod" mahallasi hududida	Shirin shahar "Sirdaryo IES" AJ avtogaraji
3	Shirin energetika kolleji	5	15.02.2023	Shirin shahar Ibn Sino ko'chasi	Shirin shahar "Sirdaryo IES" AJ avtogaraji
4	Shirin shahar elektr ta'minoti	4	15.05.2023	Shirin shahar Buyuk Turon ko'chasi	Shirin shahar "Sirdaryo IES" AJ avtogaraji
5	"Shirinshahargaz" gaz ta'minoti bo'limi	2	15.05.2023	Shirin shahar Farhod mahallasi, Yuksalish ko'chasi	Shirin shahar "Sirdaryo IES" AJ avtogaraji
6	Shirin shahar hokimligi Obodonlashtirish boshqarmasi	9	20.05.2023	Shirin shahar Amir Temur mahallasi	Shirin shahar "Sirdaryo IES" AJ avtogaraji
7	Shirin shahar Moliya bo'limi	1	20.05.2023	Shirin shahar Buyuk Turon ko'chasi	Shirin shahar "Sirdaryo IES" AJ avtogaraji

8	Shirin shahar hokimligi	8	20.05.2023	Shirin shahar Buyuk Turon ko'chasi	Shirin shahar "Sirdaryo IES" AJ avtogaraji
9	Shirin shahar DSI	1	20.05.2023	Shirin shahar Ibn Sino ko'chasi	Shirin shahar "Sirdaryo IES" AJ avtogaraji
10	"Agrobank" ATB Shirin shahar filiali	1	20.05.2023	Shirin shahar Buyuk Turon ko'chasi	Shirin shahar "Sirdaryo IES" AJ avtogaraji
11	"Toza hudud" DUK Shirin shahar filiali	3	20.05.2023	Shirin shahar Xalqlar do'stligi	Shirin shahar "Sirdaryo IES" AJ avtogaraji
12	Shirin shahar Aholi bandligiga ko'maklashish markazi	1	20.05.2023	Shirin shahar Buyuk Turon ko'chasi	Shirin shahar "Sirdaryo IES" AJ avtogaraji

Eslatma: Ushbu jadvalda ko'rsatilgan muddatda korxonalar va tashkilotlarda mavjud transport vositalarini majburiy texnik ko'rikka tayyorlash imkoniga ega bo'lmagan taqdirda yoki shu muddatdan oldin o'tkazish imkoniyatiga ega bo'lsa, o'n kun oldin bu haqda yozma axborot bilan Shirin shahar IIB YHXGga xabar qilishi lozim.